

Na osnovu člana 55. stav 2. Zakona o jedinstvenom matičnom broju ("Službeni glasnik BiH", broj 32/01 i 63/08), Ministarstvo civilnih poslova Bosne i Hercegovine donosi

PRAVILNIK

O IZMJENAMA I DOPUNAMA PRAVILNIKA O OBRASCIMA, NAČINU ODREĐIVANJA, IZDAVANJA, PONIŠTAVANJA I ZAMJENE JEDINSTVENOG MATIČNOG BROJA, EVIDENCIJAMA I NAČINU UPISIVANJA JEDINSTVENOG MATIČNOG BROJA U MATIČNE KNJIGE

Član 1.

U Pravilniku o obrascima, načinu određivanja, izdavanja, poništavanja i zamjene jedinstvenog matičnog broja, evidencijama, i načinu upisivanja jedinstvenog matičnog broja u matične knjige ("Službeni glasnik BiH", broj 39/02), član 1. mijenja se i glasi:

"Pravilnikom o obrascima, načinu određivanja, izdavanja, poništavanja i zamjene jedinstvenog matičnog broja, evidencijama, i načinu upisivanja jedinstvenog matičnog broja u matične knjige (u daljem tekstu: Pravilnik) propisuju se obrasci, način određivanja, dodjele, poništavanja i zamjene jedinstvenog matičnog broja (u daljem tekstu: JMB) način podnošenja zahtjeva elektronskim putem između diplomatsko-konzularnog predstavništva BiH i nadležnog organa u BiH i izvještavanje podnosioca zahtjeva o dodijeljenom JMB, evidencije, način upisivanja matičnog broja u matične knjige i druga pitanja".

Član 2.

U članku 2. Pravilnika, stav 1. mijenja se i glasi:

"Poslove navedene u članku 1. Pravilnika obavljaju u okviru svoje nadležnosti u Federaciji BiH kantonalna ministarstva unutrašnjih poslova, u Republici Srpskoj Ministarstvo unutrašnjih poslova RS-a i u Brčko Distriktu Bosne i Hercegovine nadležni organ koji funkcionalno djeluje kao državna institucija (u daljem tekstu: nadležni organ) po mjestu prebivališta državljanina Bosne i Hercegovine (u daljem tekstu: državljanin BiH) odnosno po mjestu boravišta za raseljena lica u skladu sa članom 3. Zakona o jedinstvenom matičnom broju (u daljem tekstu: Zakon)".

U članku 2. Pravilnika iza stava 5. dodaju se novi stavovi 6. 7. i 8., koji glase:

"Podnošenje zahtjeva za dodjelu JMB iz stava 3., 4. i 5. ovog člana, može se obaviti elektronskim putem između diplomatsko-konzularnog predstavništva BiH (u daljem tekstu: DKP BiH) i nadležnog organa".

Podnosilac zahtjeva za određivanje-evidentiranje JMB iz prethodnog stava obavezan je priložiti izvod iz matične knjige rođenih i dokaz o državljanstvu BiH koji se uz zahtjev naknadno dostavljaju nadležnom organu, a kopije tih dokaza ostaju u spisu predmeta DKP BiH.

Obavijest o primljenom zahtjevu za određivanje- evidentiranje JMB kod DKP BiH dostavlja se na obrascu JMB-DKP 1".

Član 3.

U članku 4. Pravilnika iza stava 3) dodaju se novi stavovi 4) i 5) koji glase:

"Nakon određivanja-evidentiranja JMB na osnovu dostavljene obavijesti o primljenom zahtjevu za određivanje-evidentiranje JMB, nadležni organ iz člana 2. ovog Pravilnika elektronskim putem obavještava DKP BiH o

određenom-evidentiranom JMB odmah, a najkasnije u roku od 15 dana od dana prijema obavijesti o primljenom zahtjevu za određivanje-evidentiranje JMB u DKP BiH.

Nakon određivanja-evidentiranja JMB u skladu sa članom 2. stav 2) ovog Pravilnika, nadležni organ dostavlja potvrdu matičnoj službi o određenom JMB na obrascu JMB-2".

Član 4.

U članu 5. Pravilnika iza stava 4) dodaje se novi stav 5) koji glasi:

"Određivanje JMB državljaninu BiH koji nema prebivalište na području BiH a nije mu određen JMB po dosadašnjim propisima, JMB će odrediti nadležni organ po mjestu upisa u matičnu kwigu rođenih u BiH, na način i prema postupku propisanom članom 2. ovog Pravilnika".

Član 5.

U članu 9. Pravilnika, stav 1. mijenja se i glasi:

"U slučaju ispravke upisanog dana, mjeseca i godine rođenja, promjene pola i potpunog usvojenja, nadležni organ iz člana 2. Pravilnika, rješenjem poništava za to lice postojeći JMB i određuje novi JMB".

Član 6.

U članu 11. Pravilnika, stav 5. mijenja se i glasi:

"Centralnu evidenciju JMB vodi i održava elektronskim putem MCP BiH - Agencija za identifikaciona dokumenta, evidenciju i razmjenu podataka BiH, u skladu sa Zakonom i Zakonom o Agenciji za identifikaciona dokumenta, evidenciju i razmjenu podataka BiH".

Član 7.

U članu 13. Pravilnika u stavu 1. riječi: "Zakonu o centralnoj evidenciji i razmjeni podataka" zamjenjuju se riječima: "Zakonom o Agenciji za identifikaciona dokumenta, evidenciju i razmjenu podataka BiH".

Član 8.

U članu 14. Pravilnika dodaju se novi stavovi 2., 3., 4. i 5. koji glase:

"Prijavlivanje ranije dodijeljenog JMB državljanina BiH koji živi u inostranstvu, može se izvršiti elektronskim putem između DKP BiH i nadležnog organa.

Podnosilac zahtjeva za evidentiranje JMB na način iz prethodnog stava, dužan je dostaviti izvod iz matične knjige rođenih i uvjerenje o državljanstvu koji sadrže JMB.

Obavijest o primljenom zahtjevu za evidentiranje JMB podnesenom u DKP BiH, dostavlja se nadležnom organu na obrascu JMB-DKP 1.

Nadležni organ elektronskim putem obavještava DKP BiH o evidentiranom JMB na obrascu JMB-DKP 1".

Član 9.

Iza člana 14. Pravilnika dodaje se novi član 14 a) koji glasi:

Član 14 a)

Podnosilac zahtjeva za određivanje JMB djeci državljana BiH rođenim u inostranstvu, evidentiranje JMB državljana BiH i određivanje JMB za državljanu BiH koji ne posjeduju JMB, putem DKP BiH elektronskim putem, ima pravo biti obaviješten o određenom ili evidentiranom JMB u evidenciji JMB.

Obavještenje iz stava 1. izdaje se na obrascu JMB-DKP-2.

Član 10.

"U cijelom tekstu Pravilnika riječi: "Ministarstvo civilnih poslova i komunikacija BiH - MCPK" zamjenjuju se riječima: "Ministarstvo civilnih poslova BiH - MCP", u odgovarajućem padežu".

Član 11.

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 15-02-2-5957-SM/08
29. decembra 2008. godine
Sarajevo

Ministar
mr **Sredoje Nović**, s. r.
